

## Ny Valosoa sy hadihady

### Raharaha-pirenena : loza mihantona ho an'ny fitondrana

#### Rajoelina ny ratsy ataony

**M**iverina toy ny tany amin'ny folo taona lasa indray ny fitantanana ny Firenena amin'izao fo-toana izao. Tsy dia mahagaga loatra izany satria Rajoelina Andry no filohan'ny tetezamita ary tsy misy zavatra sarotra toy ny manova fomba fisainana sy fomba fanao ary fomba fiainan'ny olona iray, ka nahatonga ilay fitenenana "tànana zatra nitsotra, tsy azo havokona intsony". Raha tsiahivina dia ny volana septambra 2010 no nanaovana ny fitsapankevi-bahoaka nandaniana ny Lalàmpanorenana iainana amin'izao Repoblika IV izao. Lalàmpanorenana na-lain-tahaka tany amin'ny firenena iray any ivelany izy io, ka nesorina tsy ho vondrom-bahoaka itsinjaram-pahefana eny ifotony intsony ny Fokontany, fa ny Kaominina no nampidinina ho amin'izany rafitra izany. Araka izany dia ny lehiben'ny Distrika ambaraton-gam-pitantanana ara-panjakana no manendry ny sefom-pokontany izay nfidian'ny mponina mivantana tany aloha. Araka ny Lalàmpanorenana ihany koa anefia dia fidian'ny mpifidy lehibe (grands électeurs) ny lehiben'ny Faritra kanefa dia novaina ho governora tendrena eo amin'ny filankevity ny minisitra izany. Tsy anisan'ny vondrom-bahoaka itsinjanram-pahefana ihany koa ny faritra. Miely ny vaovao amin'izao fotoana izao, fa hisy fikitihana ity Lalàmpanorenana ity indray, ka hanaovana fitsapankevi-bahoaka izany. Araka ny fantatra dia ny isan'ny loholona no hahena ho 18 ny isany, roa isaky ny faritany, raha 63 izany amin'izao fotoana izao. Mazava be ny teti-dratsy izay te-hamestraka maro an'isa ao amin'ity rafitra ity toy ny ao amin'ny antenimieram-pirenena ny antoko eo amin'ny fitondrana, ka hanjaka tokana toy ny any amin'ireo firenena tatsinanana, Korea Avaratra, Sina, sns..., ka ho didy jadona no hanjaka eto amin'ity Firenena ity. Raha izay no halalinina dia hiverina any amin'ny taona sivifolo izay nirodanan'ny rindrin'ny he-natra tany Berlin ny eto Madagasikara. Nanomboka teo no nitsoka ny "Rivotry ny Fiovàna" (wind of change) maneran-tany, ka voatery nampihàtra ny demokrasia ireo firenena nisy fitondrana jadona. Amin'izao fotoana izao dia mihoa-pefy, manitsakitsaka lalàna ny mpitondra tarihan'ny filoha Andry Rajoelina, ka na ny rafitra mpanao lalàna aza dia

mandika izany, tsy vao izao fa nanomboka tamin'ny fandraisany ny fitantanana ny Firenena. Toy ny tany amin'ireo firenena voalaza etsy ambony ireo dia manao sarika am-pandriana sy mampiditra am-ponja ireo heveriny fa tsy mitovy hevitra aminy ny manampahefana eto amin'ity Firenena ity. Firenena vitsy eto ambonin'ity planeta ity sisa no mbola manome taompasana fito ho an'ny filohan-pirenena fa na dimy na efatra taona ihany izany. Ny eto mbola te-hiverina amin'izany sady te-hanjaka tokana any amin'ny ambaratongam-pahefana rehetra. Tsy vitan'izany fa na dia nanao teny filamatra "ny fitiavana no lehibe indrindra", andinin-tsoratra Masina aza Rajoelina Andry dia fankahalana no ao an-tsainy. Tsy azo hafenina intsony ny filana antsojaj sy fisotasotana atao amin-dRavalomanana Marc. Mahatsapa izao fitondrana izao fa mirona any amin'ny fanoherana ny ankamaroan'ny antoko politika sy mpanao politika kanefa dia Ravalomanana Marc no filohan'ny mpanohitra, ka toe ho rafitra ny fitantanana dia izao mibirioka any amin'ny lalan-tsarotra ivoahana izao indray. Tokony ho ao antsaina mandrakariva anefia fa tsy Ravalomanana Marc velively no mitondra faisana fa ireo mpiasa ao amin'ny orinasa, ka hitombo indray ny tsy an'asa izay hanatevin-daharana ireo sahirana ara-pivelomana, manantonanana ny fipoahana ara-tsosialy. Raha ny marina ary araka ny "Tondro Zotra" tamin'ny tetezamita izay ireo manampahefana amin'izao fotoana izao no nitantana ny firenena dia anisan'ny notakiana taminy ny fanonerana ny fahavoazana nateraky ny fandrobana sy fandorana ireo orinasan-dRavalomanana Marc ny taona 2009. Tsy ny mpitantana ny Kao-minina Antananarivo teo aloha velively no hianjeran'ny hatezeran'ireo mpivaratra eo amin'ny "pavillons" kasain'ny ben'ny tanàna, Naina Andriatsitaina, harodana fa izy izay manitsakitsaka ny lalàna amin'ny tsy firaharahiana ny fifanarahana nifanao-van'ireo mpivaratra sy ny fiadidiana ny kaominina teo aloha. Mety ho fanehoan-kery araka ny iheveran'ny fitondrana azy izao sotasota izao kanefa raha ny marina dia ny mifanohitra amin'izany ny fahitana izany satria ny ratsy atao "LOZA MIHANTONA".

Andry Tsiavalona

Antenimierandomoholona

### Hagaigena ny fanamaivanana azy



Ny laptop'ny Antenimierandomoholona etsy Anosikely.

Nanakoako eran'izao ton-tolo izao ny fanambarana nataon'ny Antenimierandomoholona frantsay, izay nanizingizina fa tsy misy avotsotra ireo nosy malagasy (Iles E�parses) na dia iray dia aza. Tsy omentsy amin'izany ireo loholona frantsay, raha handray izany fanapahan-kevitra izany, izay no maha frantsay azy ireo, mijery izay mahasoa ny fireneny, satria tombontsoa mihoa-pampana no tovozin'ny frantsay amin'ireo nosy malagasy ireo, ary mbola hita hatrany ny fanaovan'izy ireo lohana mpanjanaka ao anatin'izany rehetra izany. Fa ny antsika malagasy kosa raha tokony hiady mafy ny Antenimierandomoholona ho an'ny fiandri-nampirenenan dia tsy afa-mihetsika, satria ataon' Ingahy Rajoelina izay hampalemy azy ireo. Mbola tsy azo adinoina ny vava tsy ambina nataon' Ingahy filoha tamin'ny fi-fanatrehan'ny kandida roa tamin'ny fampielezan-kevitra fidianana filohampirenenan fihodinana faharoa, izay nanambarany

fa ho ravany hono ny Antenimierandomoholona raha izy no lany, dia ireny nia-rraha-nahita ireny ny kitotoa nataony, dia ny fikasana nampiaraka tao anatin'ny andro iray ny fidianana solombavambahoaka sy ny fitsapankevi-bahoaka fanafoanana ny Antenimierandomoholona. Tsy tafta moa ilay hevitra taingina satria notsipahan'ny Fitsarana Avo momba ny Lalàmpanorenana (HCC) ilay fikasana, ny hany faraherin-dRajoelina dia ny fampihenana ho 18 sisina ny isan'ny loholona, ka ny 12 fidiana ary ny 6 tendreny. Maresaka amin'izao fo-

toana izao ny resaka mikasika ilay « Vaomiera iombonana isasahana », iarahan'ireo fahefana roa mpanao lalàna, tsy takaona afenina ny fandikan-dalàna nataon'ingahy Praiministra sy Ramatoa Filohan'ny Antenimeram-pirenena, soa fa nijoro ireo parlementera saro-piaro amin'ny fampanajana ny lalàna eto amin-sika. Mendri-piderana ireto parlementera miady ho amin'ny fampanajana lalàna ireto, indrindra fa ireo Lo holona izay madiva ho tapitra ny fotoam-piasany, kanefa dia mbola manao izay anjara tandrify azy

satria zava-dehibe loatra amin'izy ireo ny firenena sy ny hasin'ny andrimpanjakana , fa ny fitondrana sy ny hagaigeny anie tsy mahatsapa akory, fa ny fanamaivanany ny Antenimierandomoholona dia fiantoka ho azy ara-politika, satria raha mijanona ho 63 ny isan'ny loholona , ny 21 ny filoha no hanendry azy ary ny 42 fidian'ireo olomboafidy, izay ananany maro an'isa , kanefa rehefa mitsaontsaom-bava loatra, indrindra fa tamin'ny fampielezan-kevitra dia tsy afa-miverina intsony.

Ny Valosoa

### TSY FAHAZOANA VATSY TSINJO

### Nisakoroka Ambohipo

Tsy fahazoana ny Vatsy Tsinjo, nisakoroka ny tsy na-hazo izany teny Ambohipo omaly. Mafanafana indray arak'izany ny eny amin'ity fokontany iray ao amin'ny Boriboritany faha-2 eto Antananarivo Renivohitra ity. Nanomboka omaly toko ny fizara ny Vatsy Tsinjo ho an'Ambohipo. Tsy natao teny an-toerana ny fizara na dia misy CEG sy EPP toerana malalaka aza ao amin'ity fokontany ity, fa natao teny amin'ny kianja fila-laov-baolina Oniversite Ankatsu. Ny alakamisy teo, efa nisy ny olana, ireo mpisera mpitatitra sy sarety efa nihâtrana. Omaly, voalaza fa nanohizana ny fizara, efa tonga maraina be ny olona fa ny mpiandraikitra no tsy tonga, fa hoe miandry 2ème vague na andiany faha-2 indray. Teraka ny savorovoro na sakoroka, an-kilanja sora-baventy sy antso mégaphone teo amin'ny fokontany sy 3 chemins. Tapaka nandritra ny fotoana elaela noho izany ny fifamoivoizana. Mahakasika ity Vatsy Tsinjo, maro ireo tsy nahazo izany nefo olona marefo eto Antananarivo sy ny manodidina, ny any amin'ny faritra dia tsy tenenina intsony, fa tena sahi-rana tanteraka nefo tsy misy fanampiana tonga any na-karazany iray aza, amin'ireny fanampiana tosika sosia-lim-bahoaka ireny.

Isambilo



Ny sakoroka teny Ambohipo omaly.

TONONKALO

### Vavaky ny jiolahy Merci Prezida !

Na dia maro ireo tsy nety sy hadalanay tao ho ao,  
Dia indro ianao prezida fa niaro sady tsy nandao,  
Ka dia nandeha , nisosa ery ny bizina ary koa ny afera.  
Dimy volana izahay dia lasa miliaridera !

Ny hetahetanay dia tsotra : aleo hitohy ny fihibohana,  
F'eo ianao prezida hiaro hatrany sy hanohana.  
E! ny maro taminay , jereo fa efa nihanatavy,  
Tena voky risoriso hatramin'ny zanak'anabavy !

Ny nanodinkodim-bola , hatreto aloha dia afa-maina,  
Fa novoizina ny hoe : ny fitoniana no ilaina.  
Raharaha "bonbon sucette", tsy efa nohadinoina va ?  
Ka hoy 'zahay miteny hoe : merci prezida !

Mino marina izahay fa tsy ho any am-pigadrana,  
F'ao anaty fihibohana , azo ovàna ny lalàna,  
Ka ny "tratra ambodiomby" , mbola azonao amboarina,  
Mba ho afaka madio sy kilasiana ho olo-marina !

...Koa dia satry foana hitohy ity "fihibohana malaza",  
Fa voaaronao 'zahay na ratsy sy tsy mendrika aza !  
Soa fa nisy ilay aretina , 'lay atao hoe "corona",  
K'aleo hiredona izahay hoe: merci prezida!

TSIMIMALO (03-09-20)

### PRIERE AU SACRE CŒUR



Que le Sacré Cœur de Jésus  
soit loué, adoré et glorifié à  
travers le monde pour des  
siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Fenosoa R.